

Orlofsblað Byggiðnar

2025





Orlof sumarið 2025

Félagsmenn geta sótt um sumar-úthlutun orlofshúsa 2025 á tímabilinu frá 14. mars til 1. apríl. Daginn eftir, þann 2. apríl, fá allir sem sækja um svar við umsókn sinni. Þeir sem fá synjun hafa þá kost á því að sækja um lausar vikur til 14. apríl. Sumartímabilið er að þessu sinni frá 13. júní til 22. ágúst.

Þann 14. apríl rennur greiðslufrestur vegna sumarúthlutunar út en daginn eftir verður opnað fyrir umsóknir um þær vikur sem ekki var úthlutað. Þá gildir fyrirkomulagið fyrstur kemur – fyrstur fær.

Á næstu síðum verða þeir orlofskostir sem í boði eru kynntir en félagið á nú nýtt og glæsilegt orlofshús í Hálöndum ofan Akureyrar.

Félagsmenn eru hvattir til að skila umsóknum sínum um orlofshús tímanlega og hafa fyrir en síðar samband við skrifstofu Byggiðnar ef eitthvað er óskýrt í þeim efnum – eða ef þeir þurfa aðstoð við umsóknina. Sótt er um orlofshús á orlofsvefnum, orlof.

is/byggidn. Hlekk á vefinn má einnig finna á áberandi stað á heimasíðu félagsins.

Punktakerfi er sem fyrr notað við úthlutun en félagsmaður ávinnum sér einn punkt fyrir hvern mánuð sem hann greiðir félagsgjald. Þegar tveir eða fleiri sækja um orlofshús fær sá sem hefur fleiri punkta húsið.

Þann 1. júní verður opnað fyrir bókanir vetrarleigu orlofshúsa, frá 22. ágúst og fram yfir áramót.

Vikuleiga í orlofshúsin þetta árið kostar á bilinu 30.500 – 39.000 krónur en verðið hefur nokkurn veginn fylgt verðlagi undanfarin ár. Stærð húsa og staðsetning stýrir verðinu, sem er þó afar hófstíllt.

Athygli er vakin á því að Byggiðn hefur látið útbúa húsbækur í flest orlofshús félagsins. Þar er meðal annars að finna upplýsingar um sögu staðarins, afþreyingu á svæðinu, svo sem golfvelli, sundlaugar og veiði, auk ýmissa annarra hagnýtra upplýsinga. Það er von félagsins að gestir orlofshúsanna muni hafa bæði gagn og gaman af bókunum.

ORLOFSBLAÐ BYGGIÐNAR

Mars 2025

Ábyrgðarmaður: Jón Bjarni Jónsson

Umsjón: Baldur Guðmundsson

Prentun: Stapaprent

BYGGIÐN

Stórhöfða 31, 110 Reykjavík

Skipagötu 14, 600 Akureyri

Sími 5 400 100

byggidn@byggidn.is

www.byggidn.is



Niðurgreiddir ferðavagnar

■ Byggið býður félagsmönnum niðurgreiðslu á ferðavögnum í sumar, eins og undanfarin ár. Félagsmaður velur tjaldvagn, hjólhýsi eða fellihýsi hjá viðurkenndri leigu og þann tíma sem honum hentar. Að lokinni notkun framvísar hann leigusamningi og fær þá 15.000 króna endurgreiðslu. Leigusamningurinn þarf að vera á nafni félagsmanns og útgefandi reiknings skráður sem starfandi ferðavagnaleiga.



Veði- og útilegukort

■ Veðikortið er selt til félagsmanna á 5.800 krónur en fullt verð er 9.900 krónur. Á heimasíðu kortsins, veidikortid.is, má finna allar upplýsingar um hvar hægt er að nota kortið. Þar kemur meðal annars fram að kortið veitir aðgang að 37 vatnasvæðum vítt og breitt um landið. Kortið gildir fyrir einn fullorðinn. Börn yngri en 14 ára veiða frítt í fylgd korthafa.

Útilegukortið kostar til félagsmanna 17.500 krónur. Á heimasíðu kortsins, utilegukortid.is, er að finna allar upplýsingar um þau tjaldsvæði þar sem hægt er að nota kortið, en þau eru um 40 talsins og eru í öllum landshlutum. Kortið veitir tveimur fullorðnum og fjórum börnum undir 16 ára fría gistingu á tjaldsvæðum samstarfsaðila Útilegukortsins í allt að 28 gistinætur á hverju starfsári þess. Engin takmörk eru fyrir því hve oft má koma á hvert tjaldsvæði innan gistináttanna 28 en einungis má gista í fjórar nætur samfellt í hvert skipti.

Útilegukortið gildir fyrir tjöld, tjaldvagna, fellihýsi, hjólhýsi og húsbíla. Athugið að gistináttaskattur, 400 krónur á gistieiningu fyrir hverja nótt, er ekki innifalinn í Útilegukortinu. Kortin er hægt að nálgast í miðasölu á orlofshúsasíðu byggidnar, byggidn.is.





Svignaskarð 11

Staðsetning	Borgarfjörður, Vesturland
Stærð	60 m ²
Gistipláss fyrir 6	     
Vikuleiga	39.000 kr.

Svignaskarð 25

Staðsetning	Borgarfjörður, Vesturland
Stærð	78 m ²
Gistipláss fyrir 7	      
Vikuleiga	39.000 kr.

Byggið á tvö hús í glæsilegri byggð orlofshúsa í Svignaskarði, nr. 11 og nr. 25. Minna húsið er 60 fermetrar en hið

stærri 78. Gestir geta hjá umsjónarmanni keypt veiðileyfi í neðsta hluta Norðurár en allt í kring eru golfvöllir og sundlaugar, svo dæmi séu tekin. Söluskálinn Baula er steinsnar frá Svignaskarði.

Borgarfjörður og Mýrar er svæði rómað fyrir náttúrufegurð. Fjölbreytni er mikil í náttúrunni og þar er auðvelt að upplifa fossa, fjöll, hraun og skóga, heita hverir og jökla. Fjölbreyttir útivistarmöguleikar eru á svæðinu og sagan drýpur þar af hverju strái. Nægir þar að nefna áhugaverða áningarstaði eins og Glanna og Paradísarlaut, Krosslaug í Lundarreykjadal, Hraunfossa og hellinn Víðgelmi, sem er stærsti hellir á Íslandi.




Fnjóskadalur, Skógarmelar 3

Staðsetning	Norðausturland
Stærð	120 m ²
Gistipláss fyrir 6	     
Víkuleiga	39.000 kr.



Hér er um að ræða glæsilegt orlofshús sem félagið byggði. Það var tekið í notkun 2021. Húsið er 120 fermetrar með þremur svefnherbergjum og svefnplássi fyrir allt að sex manns. Góð stofa, eldhús og bað er í húsinu sem er allt hið glæsilegasta. Tvö hjónarúm (1,80 cm á breidd) eru í herbergjum hússins en í barnaherberginu er neðri kjoja 140 cm á breidd og efri kjoja er 90 cm.

Húsið er á Skógarmelum, jörð steinsnar frá munna Vaðlaheiðarganga í Fnjóskadal. Það er því í aðeins um fimmtán mínútna akstursfjarlægð frá Akureyri. Húsið er afar vel búið enda var vandað mjög til verka við byggingu þess og frágang.





Ölfusborgir 3 og 4

Staðsetning	Suðvesturland
Stærð	45 m ²
Gistipláss fyrir 4	👤👤👤👤
Vikuleiga	30.500 kr.

Byggið hefur á sínum snærum tvö hús í Ölfusborgum, nr. 3 og 4. Húsin eru 45 fermetrar með tveimur svefnherbergjum. Stutt er í alla þjónustu, enda standa Ölfusborgir við Hveragerði.

Sprækir gestir ættu að skoða sérstaklega gönguleiðirnar sem eru í næsta nágrenni við bústaðina. Dalirnir upp af Ölfusdal heita Reykjadalur og Græns-

dalur (Grændalur). Gufudalur er nafn á býli austast í Ölfusdalnum en upp af því eru dalverpi með skemmtilegum gönguleiðum. Volgar laugar og litrík hverasvæði gera landsvæðið að einstakri náttúruperlu sem enginn útivistarmaður ætti að láta fram hjá sér fara. Um dalina má fara styttri og lengri vegalengdir sem byrja og enda í Hveragerði. Gott aðgengi er að flatlendinu (Árhólumum) innst inni í Ölfusdal og nægt pláss fyrir bíla. Þar er að finna kort yfir gönguleiðir.


Athugið að hreyfihamlaðir geta haft samband við umsjónarmann staðarins og sótt um að leigja sérstakt hús sem er sniðið fyrir fólk með skerta hreyfigetu. Upplýsingar og bókanir í síma 483 4260.



Einarstaðir

Staðsetning	Hérað, Austurland
Stærð	45 m ²
Gistipláss fyrir 5	👤👤👤👤👤
Vikuleiga	30.500 kr.

Á Einarstöðum er stórt orlofssvæði þar sem fjölmörg verkalyðsfélög eiga orlofs-hús. Einarstaðir eru miðja veginni milli Egilsstaða og Hallormsstaðar.



Hulduland 1

Staðsetning	Akureyri
Stærð	109 m ²
Gistipláss fyrir 6	👤👤👤👤👤👤
Vikuleiga	39.000 kr.



Furulundur 10

Staðsetning	Akureyri
Stærð	50 m ²
Gistipláss fyrir 5	👤👤👤👤👤
Vikuleiga	30.500 kr.

Byggingin hefur tvær íbúðir til útleigu á Akureyri. Annars vegar er íbúð í Furulundur 10 en hins vegar Hulduland. Á Akureyri er öll þjónusta við höndina auðvitað og stutt í miklar náttúruperlur á borð við Mývatn, Dettifoss og Jarðböðin, svo dæmi séu tekin.



Vatnsfjörður

Staðsetning	Barðaströnd, Vestfirðir
Stærð	40 m²
Gistipláss fyrir 5	👤👤👤👤👤
Vikuleiga	30.500 kr.



Félagið á lítið hús í Vatnsfirði við Flókalund. Þar eru tvö svefnherbergi og gistipláss fyrir fimm. Barðaströndin er syðst á Vestfjörðum. Þar er mjög veður-sælt, gróðursælt og skjólgott. Fjölmargir áhugaverðir staðir eru í nágrenninu og má til dæmis nefna Látrabjarg og Rauðasand. Ótal tækifæri eru fyrir þá gesti sem njóta vilja náttúraskoðunar og þarna er sagan við hvert fótímal.



Sóltún 28

Staðsetning	Reykjavík
Stærð	82 m²
Gistipláss fyrir 4	👤👤👤👤
Vikuleiga	39.000 kr.

Í öðru svefnherberginu er 160 cm breitt rúm en í hinu 120 cm breið neðri koja og 90 cm efri koja. Húsið er staðsett nálægt gatnamótum Kringlumýrarbrautar og Borgartúns. Athugið að þrif eru nú innifalín í leiguverði.



Brautarholt

Staðsetning	Blönduós
Stærð	100 m²
Gistipláss fyrir 11	👤👤👤👤👤👤👤👤👤👤👤
Vikuleiga	39.000 kr.

Húsið er 100 fermetrar með þremur svefnherbergjum. Tvö herbergin eru með tvíbreiðum rúmum auk kojú. Þriðja herbergið er með þriggja manna kojú. Húsið er nýlega uppgert að innan. Sængur og koddar eru fyrir 12 og skylt að nota sængurlín eins og í öðrum húsum félagsins. Á Blönduósi er góð verslun, afbragðs sundlaug og stutt í alla helstu þjónustu.



Hátún 3, Stóra-Hofi

Staðsetning	Suðvesturland
Stærð	84 m ²
Gistipláss fyrir 6	     
Vikuleiga	39.000 kr.

Stóra-Hof 1

Staðsetning	Suðvesturland
Stærð	130 m ²
Gistipláss fyrir 10	       
Vikuleiga	39.000 kr.

Að Stóra-Hofi eru tvö af orlofshúsum félagsins, Stóra-Hof og Hátún 3. Stóra-Hof er 130 m² með fjórum svefnherbergjum. Í húsinu eru tvö baðherbergi, og gott aðgengi fyrir hreyfihamlaða.

Hátún 3 er 84 m² með þremur svefnherbergjum. Í húsinu er hundahald leyfilegt að ákveðnum skilyrðum uppfylltum.



Glæsilegt tjaldsvæði á Stóra-Hofi

Byggðin á jörðina Stóra-Hof í mynni Þjórsárdals í Gnúpverjahreppi. Þar hefur félagið komið sér vel fyrir og jörðin stendur félagsmönnum opin til afnota. Tvö af orlofshúsum félagsins eru á jörðinni, sem er mjög gróin og skjólsæl fyrir vikið. Á Stóra-Hofi er líka frábært tjaldstæði fyrir félagsmenn og fjölskyldur þeirra.

Ef fólk vill vera miðsvæðis á Suðurlandi og skoða uppsveitir Árnessýslu eða virkjanasvæðin er tilvalið að gista á Stóra-Hofi. Svæðið er uppfyllt af náttúruperlum og

sögustöðum. Allar virkjanir á Suðurlandi eru innan seilingar; Gullfoss, Geysir, Flúðir og Árnesið sjálf í Þjórsá sem liggur við jörðina. Hér er farið yfir hvað félagsmönnum stendur til boða á jörðinni og í næsta nágrenni hennar.

Glæsilegt tjaldsvæði

Óhætt er að segja að félagið eigi glæsilegt tjaldsvæði á Stóra-Hofi sem er í um fjögurra kílómetra fjarlægð frá byggða-

[Framhald á næstu opnu ►](#)

Afbreyting í nágrenni Stóra-Hofs

Eins og áður segir eru fjölmargar náttúruperlur í Þjórsárdal og nágrenni hans. Þeir sem gista á svæðinu eru auk þess í miklu návigi við fjölbreytta afbreytingu. Hér eru nokkrir valkostir fyrir kylfinga, veiðimenn og unnendur baðstaða.

■ Golf

Í það minnsta 12 golfvelli eru í innan við klukkustundar akstursfjarlægð frá Stóra-Hofi. Nærtækast er að spila golf á Flúðum en þar eru tveir velli. Annar þeirra, Selsvöllur, er rekinn af Kaffi-Seli, þar sem hægt er að fá pítsur og aðrar veitingar. Völlurinn er þægilegur göngu.

Ásatúnsvöllur á Flúðum er skemmtilegur en krefjandi 18 holu völlur. Mikill hæðarmunur er á vellinum – hann er því heppilegri fyrir þá sem eru vel á sig komnir.

Þriðji völlurinn sem hér er nefndur er níu holu völlur skammt frá Búrfellsvirkjun. Hann er í eigu Landsvirkjunar. Hægt er að spila völlinn án endurgjalds. Brautir vallarins eru þröngar og flatir litlar. Um 20 mínútna akstur er upp að virkjun.

■ Veiði

Veiðimöguleikar í nágrenninu eru óþrjótandi. Fjölmargar laxveiðiár renna til sjávar á Suðurlandi. Þjórsá er ein þeirra. Hægt er að gera ævintýrlega laxveiði í Þjórsá við Urriðafoss, á hóflegu verði miðað við aðra laxveiði, svo dæmi sé tekið.

Fjölskylduvæn veiði er í boði í Gíslholtsvatni í Holtum. Vatnið er

hluti af Veiðikortinu sem Byggið selur á skrifstofu sinni á 5.000 krónur. Gíslholtsvatn er í um hálf tíma akstursfjarlægð frá Stóra-Hofi. Í vatninu er bleikja og stundum rigvænn urriði. Veiðikortið veitir einnig leyfi í Þjóðgarðinn á Þingvöllum, Úlfliðsvatn og Frostastaðavatn, svo dæmi úr nágrenninu sé tekin.

Þeir sem vilja rennandi vatn geta keypt veiðileyfi í Hólaá. Áin rennur milli Laugarvatns og Apavatns en í ánni getur verið ævintýrleg bleikjuveiði á sumrin. Óviða er betri veiði fyrir minni pening.


■ Sundlaugar

Fjölmargar sundlaugar eru á Suðurlandi. Næsta laug við Stóra-Hof er Neslaug í Árnesi, í aðeins fjögurra kílómetra fjarlægð. Laugin er 12,5 metrar á lengd og breidd auk þess sem þar er heitur pottur. Íþróttavöllur, sparkvöllur, leiktæki og verslun er í Árnesi.

Skeiðalaug í Brautarholti er í níu mínútna akstursfjarlægð frá Stóra-Hofi. Þar er 16,5 metra laug og heitur pottur og gufa.

Á Flúðum, í um korters akstursfjarlægð, er góð sundlaug og heitir pottar. Þar er frábært náttúrulegt gufubað. Á Flúðum er líka Gamla laugin – Secret lagoon, sem er vinsæll áningarstaður ferðamanna.

Önnur heit laug í biltúrsfjarlægð er Kúalaug, sem er ein af þremur laugum skammt frá Haukadalaskirkju, nálægt Geysi. Um er að ræða náttúrulega án þjónustu – og hvetjum við fólk til að fara að öllu með gát.



kjarnanum Árnesi, þar sem er verslun og sundlaug. Tjaldsvæðið er hvoru tveggja skjólsælt og fallett og hefur um árabíl verið eftirsótt af félagsmönnum og fjölskyldum þeirra. Góð aðstaða einkennir tjaldsvæðið. Nýlega var tekið í notkun nýtt og glæsilegt þjónustuhús sem gjörbreytti aðstöðu á svæðinu fyrir gesti þess. Rafmagn er til staðar á stórum hluta tjaldsvæðisins.

Við tjaldsvæðið er gott leiksvæði fyrir börn, sparkvöllur til knattspyrnuíðkunar og níu holu frísbíggvöllur.

Stefnt er á að svæðið sé opið frá og með hvítasunnu að vori til loka ágúst-mánaðar. Það er auðvitað háð aðstæðum hverju sinni því mikilvægt er að hleypa ekki bílum og vögnum á flatirnar fyrr en frost er farið úr jörðu og þær eru orðnar þurrar. Athugið að nánari upplýsingar um opnun tjaldsvæðisins eru kynntar á heimasíðu félagsins þegar nær dregur.

Svæðið er hugsað fyrir félagsmenn og aðstandendur þeirra, eftir því sem rými leyfir.

Umsjónarmaður tjaldsvæðisins, Eyþór Brynjólfsson, fer um svæðið og innheimtir aðstöðugjaldið. Við viljum beina því til gesta sem ekki þurfa rafmagn að finna sér stað þar sem rafmagnsstaurar eru ekki. Gert er ráð fyrir að aðeins einn tengist hverjum tengli á svæðinu.

Byggið hvetur félagsmenn til að nýta sér þessa góðu aðstöðu en allt í kring eru áhugaverðir áningarstaðir sem gaman er að heimsækja.

Samkomuhús til leigu

Samkomuhúsið Skemman stendur félagsmönnum til boða, gegn hóflegu gjaldi. Þar er um að ræða 200 fermetra hús sem gert hefur verið upp. Skemmuna geta félagsmenn fengið leigða undir samkomur og hafa félagsmenn og vinnustaðafélög

Verðskrá

Greitt er fyrir hverja gistieiningu; tjald, tjaldvagn, fellihýsi, hjólhýsi eða húsbíl per sólarhring.

■ Svæði A (rafmagn innifalið):

Félagsmaður	kr. 2.450
Utanfélagsmaður	kr. 3.800

■ Svæði B (án rafmagns):

Félagsmaður	kr. 1.800
Utanfélagsmaður	kr. 2.800

haldið þar viðburði auk þess að leigja hluta af tjaldsvæðinu. Í Skemmunni, sem er stutt frá tjaldsvæðinu, er einnig haldið messukaffi og kvöldskemmtun á Jónsmessuhátíð félagsins.

Merktar gönguleiðir

Nokkrar fallegar gönguleiðir um Stóra-Hof hafa verið merktar á svæðinu. Þær má sjá á meðfylgjandi korti en á vef félagsins er hægt að skoða nánar yfirlitsmyndir og skipulag svæðisins. Gönguleiðirnar liggja til dæmis meðfram Hvítá og Kálfá, sem rennur út í Hvítá.

Gönguleiðirnar eru tilvaldar fyrir gesti tjaldsvæðisins, sumarhúsaeigendur, leigutaka orlofshúsa eða aðra gesti félagsins á Stóra-Hofi. ●

Áhugaverðir staðir í nágrenninu

Stöng í Þjórsárdal Árið 1939 var bærinn Stöng grafinn úr ösku sem lagðist yfir hann í miklu Heklugosi 1104. Byggt hefur verið yfir rústirnar. Hægt er að skoða eftirlíkingu (þjóðveldisbæinn) við Búrfellsvirkjun.



Göngubrá yfir Þjórsá og Tröllkonuhlaup Áhugavert er að keyra fram hjá Búrfellsvirkjun og meðfram Búrfellinu. Þar má komast vestan megin að Þjórsá og nota göngubrá til að komast yfir ána. Um 300 metrum neðar er Tröllkonuhlaup, lágur foss í Þjórsá.

Gjáin Gjáin er einn af fallettri áfangastöðum á Suðurlandi. Á leiðinni að bænum Stöng er tilkomumikil gjá sem er í árfarvegi Rauðár. Gjáfoss er í gjánni.

Hjálparfoss Hjálparfoss er foss neðarlega í Fossá í Þjórsárdal. Fossinn

er tvöfaldur og eru stuðlabergsmyndanir í kringum hann. Fossinn er afar tilkomumikill og vinsæll áfangastaður.

Háifoss Ef ekið er fram hjá vindmyllum Landsvirkjunar er vegur á vinstri hönd sem merktur er Stangarvegur. Út frá honum er Háafossvegur (sami vegur og farið er að gangnamannahúsinu við Hólaskóg).

Gróðrarstöðin Storð Storð í Laugarási er tilvalinn viðkomustaður þeirra sem eru með græna finger. Gróðrarstöðin Storð framleiðir og selur allar gerðir garðplantna, tré, runna, rósir, fjölærar plöntur, sumarblóm og matjurtir.

Skálholtskirkja Skálholt er einn merkasti sögustaður landsins, samtvinnnaður sögu kristni á Íslandi. Kirkja var reist í Skálholti stuttu eftir kristnitöku og sat þar fyrsti biskup Íslands. Skálholt var höfuðstaður landsins í um 750 ár.





Sumarhúsalóðir til leigu á Stóra-Hofi

Félagsfólki í Byggiðn stendur til boða að leigja lóðir undir sumarbústaði á jörðinni Stóra-Hofi í Skeiða- og Gnúpverjahreppi, í mynni Þjórsárdals. Tvö af orlofshúsum félagsins eru á jörðinni en til stendur að byggja þriðja húsið.

Trésmiðafélag Reykjavíkur festi kaup á jörðinni árið 1991 og hefur þar byggt upp griðastað fyrir félagsfólk. Jörðin er 375 hektarar að stærð og liggur sunnan Þjóðveggar nr. 32. Jörðin er á flatlendi og er vel gróin.

Lóðirnar eru eingöngu leigðar til félagsfólks en leigutíminn er 70 ár. Þegar hefur félagið leigt út um 40 lóðir á jörðinni.

Verði stílt í hóf

Félagið leigir sem fyrr segir lóðir til félagsmanna undir sumarbústaði. Lóðirnar eru á bilinu 5.500 til 7.000 m². Félagsfólk

greiðir grunn gjald í upphafi leigutímans. Það gjald er nú um 1.200.000 kr. en nákvæm upphæð fylgir vísitölu neysluverðs. Upp frá því greiða lóðaleiguhafar afar hóflegt árgjald út samningstímann.

Byggiðn á forkaupsrétt á þeim sumarhúsum sem seld eru á jörðinni.

Eins og sjá má á meðfylgjandi mynd er skipulögðum lóðum skipt upp á nokkur svæði, sem hvert hefur sitt nafn. Lausar lóðir eru í Smiðshrauni, Spónakríka, Hofskoti, á Grámosum og á svæðinu Smalaskyggjarni.

Hámarksbyggingarmagn á hverri lóð má vera 200 fermetrar en á hverri lóð er heimilt að reisa auk sumarhúss eitt smáhýsi, allt að 42 fermetrar. Hægt er að hafa samband við skrifstofu félagsins, að Stórhöfða 31, til að nálgast frekari upplýsingar. ●

Evrópa opnast með Ferðaávísun

Félagsfólk Byggiðnar er minnt á þá möguleika sem felast í kaupum á Ferðaávísun. Þegar Ferðaávísun er keypt getur fólk valið sér gistingu eða afþreyingu hjá tugum samstarfsaðila á kjörum sem ekki bjóðast á almennum markaði. Því til viðbótar niðurgreiðir félagið Ferðaávísunina um 20% (að hámarki 15.000 krónur). Þannig fær félagsfólk enn meira fyrir peninginn.

Með Ferðaávísun er til dæmis hægt að kaupa frábærar útivistarferðir með Útivist, Ferðafélagi Íslands og Fjallafjör.

Nýjasti samstarfsaðili Ferðaávísunar er fyrirtækið Guide to Europe. Um er að ræða stærsta ferðamarkaðstorg í heimi, þegar kemur að ferðum til Evrópu. Þar getur þú bókað þúsundir pakkaferða um alla álfuna í samstarfi við öll helstu flugfélög, hótél, bíla-leigur, lestarfélög og ferðapjónustur.

Notkunarleiðbeiningar

- Þú kaupir Ferðaávísun á orlofsvef Byggiðnar.
- Sendir póst á sales@guidetoEurope.com með kennitölu, fullu nafni, netfangi og upphæð Ferðaávísunar.
- Þjónustufulltrúi hjá Guide to Europe mun stofna inneign á gefið nafn og netfang.
- Eigandi inneignarinnar fær tölvupóst sem inniheldur tengil sem leiðir beint inn á Guide to Europe, þar sem inneignin verður virk við innskráningu.
- Við innskráningu birtist sprettigluggi sem tilkynnir um upphæð inneignarinnar og að hún sé virk.
- Á meðan notandi er innskráður verður



stöðug áminning efst í hægra horni sem tilgreinir inneignarupphæðina.

■ Við lok bókunarferlisins birtist valmöguleikinn „Nýta Ferðaávísun/Ferðainneign“.

Ávísunin rennur aldrei út

Eins og áður segir eru tugir gististaða um allt land á meðal samstarfsaðila Ferðaávísunar. Þar er einnig í auknum mæli hægt að kaupa afþreyingu, svo sem göngur með útivistarfélögum og ferðir.

Ferðaávísunin er rafræn og rennur aldrei út. Þú getur notað hana þegar þú vilt, að undangenginni bókun hjá viðkomandi gisti-stað. Ef þú rekst einhvern tíma á annað betra tilboð frá sama hóteli eða gistiheimili, geturðu notað ávísunina upp í það tilboð, eða notað hana að hluta til. Þú ert ekki bundinn af því tilboði sem þú valdir þér upphaflega.

Þú getur fengið Ferðaávísunina endurgreidda hvenær sem er, snúist þér hugur.

Orlofskostir

Byggiðnar

	Vikuleiga			Stærð			
Stóra-Hof 1	39.000 kr.	4	10	130 m²			Suðurland
Stóra-Hof: Hátún 3	39.000 kr.	3	6	84 m²			Suðurland
Stóra-Hof: Skemman	39.000 kr.						Suðurland
Svignaskarð 11	39.000 kr.	3	6	60 m²			Vesturland
Svignaskarð 25	39.000 kr.	3	7	78 m²			Vesturland
Vatnsfjörður	30.500 kr.	2	5	40 m²			Vestfirðir
Ölfusborgir 3	30.500 kr.	2	4	45 m²			Suðvesturland
Ölfusborgir 4	30.500 kr.	2	4	45 m²			Suðvesturland
Furulundur 10	30.500 kr.	2	5	50 m²			Akureyri
Hulduland 1	39.000 kr.	3	4	109 m²			Akureyri
Sóltún 28	39.000 kr.	3	4	82 m²			Reykjavík
Einarstaðir	30.500 kr.	2	5	45 m²			Austurland
Fnjóskadalur, Skógarmelar 3	39.000 kr.	3	6	120 m²			Norðausturland
Brautarholt	39.000 kr.	4	11	100 m²			Norðurland

 Svefnherbergi  Svefnpláss  Heitur pottur  Hjólastólaaðgengi

